

特别鸣谢
指导单位：广东省生态环境厅、共青团广东省委员会
主办单位：广东省环境保护宣教中心、广东省志愿者行动指导中心、羊城晚报社、广州市环境保护宣教中心

环保嘉年华 玩转绿美style

人与自然是生命共同体，大家都要好好保护我们赖以生存环境。11月18日，在羊城创意产业园成功举办“碳”家新未来环保嘉年华，追求环保、热爱自然的朋友齐齐过来开趴！大家可以玩垃圾分类游戏，打卡可爱的表情包印章，仲可以将原创手工作品带回家……Color君马上带大家睇睇当日盛况。

黄译萱/文 color团队、黄译萱/图



自然之美多面睇

参与“碳”家新未来环保嘉年华的摊主们，早就摆好咗最靚嘅原创精品，等住大家来寻宝。今次市集嘛，除了前哨小广场，背靠绿意盎然嘅小花园，一入场就被成片绿色治愈。摊主们都是各有法宝的手工艺人，市集里卖的都係佢哋原创嘅作品，为了这次环保主题，摊主们还精心挑选带有自然元素嘅得意之作，用串珠、钩织、手绘、绕丝等方式表现，充满创意，亦表达佢哋支持环保的心意。花草竹编包包和鲜花昆虫耳环，带你进入鸟语花香的世界；一针一线制作的钩织公仔，软糯呆萌，摆埋一齐就好似小动物排排坐聚会；金鱼仔嘅“出镜率”都好高，团扇上画的金鱼肥嘟嘟，用金属细丝绕出来的小金鱼灵动精致，真係令人犯上选择困难症！呢啲独具巧思嘅小手作，以有趣的形态体现了自然之美，亦令大家更加向往自然、热爱自然。来逛市集的朋友，除咗可以欣赏自然之美，仲可以发挥创意，自己嚟串珠链、画蝴蝶，静下来探索自己心中嘅美丽自然！



玩小游戏学新知

咪睇小朋友年纪轻，在践行绿色低碳生活方式、推动生态环境保护方面，佢哋一样好出力噃！“碳”家新未来环保嘉年华市集周围，可以见到佢哋参加第十届广东省少年环保创意大赛的作品。在市集中最受欢迎嘅摊位之一，係好玩又有挑战嘅“绿美永恒”摊位，越秀区关心社会工作服务中心给小朋友设定了关于垃圾分类的小游戏，啱开摊有几耐，摊位就被小朋友包围啦！四个细细嘅嘅分类垃圾桶好得意，不过玩游戏时想要选啱策略，就好考脑力和手劲。唔少小朋友对垃圾分类都好熟悉，速速通关；还在读幼儿园的萌童都想玩游戏？几位志愿者小姐姐“大手拉小手”，带住佢哋沉浸式学习，在游戏当中学习到环保小知识，提高保护环境和生态意识。成功通关嘅朋友，就可以嚟打卡手册来搵Color君集印章，并获赠小礼物。有谗到大家咁嘛Color，当天将Color君团团围住，仲有小粉丝专门搵个簿仔来收集Color表情包印章！



叻仔叻女撑环保



市集现场人头攒动，好多热爱自然、热爱环保的大小朋友，都来支持我哋这次的市集活动。门口嘅嘅想画作好新颖，唔少人经过都停低欣赏；市集上得意嘅手作，都吸引咗唔少散步经过嘅朋友入来打卡；广府文化推广大使、大赛宣传大使张弛先生都现身助力，向大家传递“广式”环保理念。在市集的人群中，Color君仲见到我哋嘅friend陈镜淳，呢次佢来撑我哋嘅低碳嘉年华活动，候场的时候就来逛市集，仲对我哋嘅印章爱不释手，而且表情包里面嘅粤语词汇佢都识，不愧为讲古界新星！好多小朋友仲对呢啲词好陌生，Color君咁咁开设“粤语课堂”，现场教大家认识一啲日常用嘅粤语词。“叻咻猪”呢个词真係好应景，好适合用来形容呢班建设绿美广东嘅小朋友；啱啱学识“得闲饮茶”嘅小朋友，已经识用佢来互相打招呼，顺手就去旁边摊位买咗杯手打柠檬茶！呢个意义非凡嘅市集，大家通过玩游戏、逛市集，对环保又有咗新嘅认识！

同过去bye bye 向未来say hi

过埋呢个月，就到新一年啦！你係唔係做埋少少嘢，就可以摊咁下？粤语中嘅“埋”，除了掩盖、还有靠近、完成、整理的意思。Color君嘅good friend胡鸿钧，今年顺利完成巡回演唱会，亦签约新公司开启新嘅音乐旅程，目标完成得差唔多啦！所以，佢今次想分享嘅益鬼粤语，全部同“埋”有关，因为要完成之前嘅目标，先可以好好同过去say goodbye，更好地迎接未来。

郭玮/文 秦丽莹/图
胡鸿钧、郭玮/模特



拉埋天窗

laail maai4 tin1 coeng1

年底好日子多，好多人都会拉埋天窗——粤语中呢个词就係指结婚。广州旧时嘅西关大屋，会喺靠近屋顶嘅地方添置一个小天窗，用作通风、透光。新婚夫妇亲昵、休息时，习惯关好包括天窗在内嘅所有门窗，久而久之，“拉埋天窗”成咗结婚的代名词。到咗现代，更新啱咗隐藏的恋爱关系对外公开之意。

造句：等咗咁耐，阿露同佢个女朋友终于结束爱情长跑，顺利拉埋天窗啦！



埋年

maai4 nin4

“埋年”原意係年近、年老，係粤语中，埋年亦可以指接近年底。又因为“埋”有整理、结算含义，例如商贩收铺前结算一日嘅生意额，可以叫做“埋数”，所以“埋年”又可以特指做生意者年终结算。

造句：埋年发现牛年部门业绩最好，老板俾条奖金翻个“好员工”奖俾佢哋咯。

埋单

maai4 dan1

“埋单”由“买单”引申而来，浅层意思就係结账。广州嘅餐饮食肆，有先食后结账嘅习惯，因此服务员会将顾客消费嘅数额预先“埋好”，避免客人结账时等计咗尴尬；仲有一种说法係，好客嘅广府人唔希望客人抢着结账，会先将账单藏起来。所以，买单写成了“埋单”，将整理、隐藏两个意思融入其中。

造句：鸿钧仔真係劲客气，次次食饭都抢住埋单。

埋栏

maai4 laan1

“埋”嘅粤语中有组合、聚合的意思，“埋栏”呢个词则有相投契、合拍之意。如果评价两个人“倾唔埋栏”，就指两人意见不同，难以沟通。“栏”通常指圈养家畜的栏，试想一下，如果唔同类的家畜混在一起，就会好似鸡同鸭讲咁难以沟通。

造句：牛牛同熊熊平时咁有默契，埋栏做生意一定风生水起。



签约成功



埋位

maai4 wai2

“埋位”本身係入席就坐嘅意思，又可以称作“埋席”；喺粤剧舞台上，扮演官员或将帅嘅演员，会喺饰演手下嘅演员站好台之后，上场并走到舞台前面正中扎架之后，再走向台中的椅子，表示自己已经登台，呢个过程叫做埋位。因此，喺演艺术语中，“埋位”係就位、开始嘅意思。

造句：虽然小明平时比较懒散，但翻工时只要一埋位，就会即刻沉迷工作。



埋堆

maai4 deoi1

“埋堆”意为融入某种类别的人群中、圈子里。通常係人们因为某种利益、爱好而相聚，互相关心、互相帮助、分享同好。在现代，埋堆亦有“扎堆”嘅意思，多人聚集，有群体起哄做某件事之意。

造句：正所谓“近朱者赤，近墨者黑”，多啲同优秀嘅人埋堆，自己都容易变得优秀。

